

訥齋公派譜序

江河有源芝蘭有根行潦不可與同源臭猶不可與同根然江河之派或壅而不流芝蘭之葉或萎而不榮引行潦而欲導其流接臭猶而欲發其榮難矣然世豈無溯其源而究其根者哉於是水有經而分疏之亦有譜而區別之然後江河而已芝蘭而已其源與根不可誣也況人得其祖宗之血脉而爲子孫者世遠年久雜亂無別至於汚倫傷理而不思所以重其弊乎凡吾朴氏之始糾正公爲祖者億其麗而散處於中外人衆議異不能同譜者幾百年矣余自識字見人姓朴而貫密陽者問祖則莫不曰糾正公也而昭其昭而穆其穆者不能幾人而如郭崇韜李昇之爲者或有之於是忝祖謀利之徒出焉視其譜若奇貨弊至於壬戌譜而極矣此癸丑譜之所以作而以訥齋公派分之也何則凡祖吾訥齋公者幸同居一鄉荆宇相望志同而意合故有是譜也然譜者猶疵之一日宗中長老詔其子弟曰訥齋公派譜之作今且五十年矣子孫之生卒嫁娶墓所之遷移葬窆者多焉而當時之事又不能無疵蓋譜而新之於是諸子孫聚議修潤刪繁去疑二年而工始訖總三卷而止於是派流支葉各

有所自來行潦臭猶無自而齒焉開卷瞭然如視掌而不索乃就正于宗中長老僉曰可遂命永周爲之序永周辭不獲乃曰夫人之愛慕其祖先者平日必想像其容貌或問其所嗜好甚者訪求其平日所與交遊者其人雖已死於其子孫講誼證交久而不替至於桑梓之手種臺榭之跡到遇之必彷徨躑躅而敬之其他遺文遺墨與其杯棬之有口手之澤者雖得寸必寶藏而猶恐其或失之況得祖先之血脉同爲子孫者其愛惜之既特如彼數者而已乎然余竊悲其蔓延派分而世遠則喜不慶憂不吊而至於塗人此視其祖先之血脉反不如彼數者而輕內而重外也豈理也哉又有一言凡同吾譜者以蘿山公之家訓之嚴正叅議公之恬談訥齋公之文學聲望耻其君不若堯舜正直立朝愠于羣小如江叟先生既祖而又師之無忝修德相與勉之則其爲孝悌睦族之道不待他求而足矣老泉所謂觀吾譜者孝悌之心油然而生者亦不足道則忝祖謀利之弊庶幾化而革之否乎敢質于同譜而交勗焉歲己亥正月人

日訥齋公十三世孫永周謹序

夫氏族之有譜卽千支一本萬派一源之義也惟我密陽之朴系出新羅累世簪纓散在八路者不億其麗則支柯之盛淵源之遠不啻水流木繁之比也其可無譜牒以聯之乎自天啓辛酉葺修大譜降自數世人僞滋多譜法殺亂本爲尊祖而反累世德始欲明系而終亂倫紀於是一門咸懼斷自癸丑分派修譜卽訥齋公派系也然間有一二未精者而歷久歲月不可以不增修故今戊戌春門長鳳鎮氏與有司某某協心幹事發凡起例一遵癸譜而攷據取裁務加精詳匝一歲而成三冊嗚呼幸矣竊念我宗族皆一支一派之脉流也世級雖遠翁若同堂後之續修者模遵今日毋敢容私則於尊祖垂裕之謨庶幾有光而支柯之繁派流之分愈久而益昭詳矣云爾歲己亥正月旣望後孫震來謹識

舊譜跋

吾密陽之姓譜散失於壬辰兵燹密昌府院君與姓親前監察安行共加聞見互相叅證撰次世系不閱月而書成豈非吾門之一大幸也余適湖西節府院君以家譜送之曰書成造次雖或有疎漏處與其待詳而遲曷若速成之爲

愈願謀所以廣其傳遂倩工而鑄于梓印出若干本開卷寓目內外靈仍瞭然
可考親親敦睦之義其必興起於斯而蕃衍之美可斯無窮後人之繼此績成
深有望焉

萬曆紀元之四十八年五月嘉善大夫公洪道觀察使兼巡察使朴鼎賢謹識

舊譜序

國之乘史也家之乘譜也國以史記事家以譜系世譜者乃一家之史而不以
史曰譜者重國史而別嫌也蓋一家之親自兄弟始分歷四世而爲袒免之親
袒免盡則親盡親盡則情盡情盡則殆同路人之古人爲是之懼作爲譜牒上
以奉祖宗下而列子姓內而別宗支外而及彌甥奉祖宗所以溯本源也列子
姓所以明家流也別宗支所以序嫡庶也及彌甥所以附外族也且書配位以
明人倫之始記生卒以永追遠之誠錄官爵以表尊貴之顯撫善行以暢休美
之實載墓所以保先隴之重繫出后以示繼絕之誼設譜之意其詳且密如是
可不重歟惟我密陽之朴系出新羅王密城君爲密陽分封之始祖而未詳其
世代年紀逮至麗季文獻如徵於糾正公譜系以糾正公爲始祖至今爲數十

代派流百千麗不萬億散在四方殆不識其何許人且世遠人降法類綱弛僞譜之變繼后之亂滔滔成習紊亂宗系敗傷倫理莫吾宗若也而英廟壬戌之譜至今爲百有十許年之久而亦多散失其間雲仍益蕃變怪層出振起宗綱敦尚族誼莫若新修正譜而普合大和混同雜譜其勢未由則不得不分派別爲一譜以爲傳後之文而事鉅力綿有志未就何幸今春衆議牢定哀校舊蹟鳩聚宗財屬諸一二幹事者而董之閱數月而工役告訖吾宗之幸孰有大於是吾派始分於訥齋公兄弟而此中所居之族皆是訥齋公後裔則譜規以訥齋公爲中祖以上自糾正公至叅議公以元幹直系而下其有兄弟姊妹者以次列錄傍親之下亦書其子以明分派之代序百世之下知其爲同宗則雖云分派實則同歸於一源而不違於古人設譜經法訥齋公以下今已至七派之分而合爲爲二卷譜者此所爲派譜也其規模條列一遵古人之成法更不必叙列而取太史謹嚴之義用麟經筆削之法使不得贅一辭於其間然則此譜之設爲一家百代之春秋而重光乎前烈垂耀乎後昆豈不盛乎願余不佞忝在門末垂死之年與叅今日之盛舉竊幸其有竟成不揆纓越敢搢藁拙之

辭以忝弁卷之文無所逃罪然實取其記事而不以文則尙蒙僉宗之笑領而用恕矣歲癸丑仲夏月下幹後孫常鎰謹序

舊譜跋

吾朴氏世號爲東方鉅族惟其鉅族也故譜亦繁而多舛蓋自吾宗盟先輩以是爲病思欲正訛者久矣余懼愈久而愈訛也遂聚族而謀謹就訥齋公以下子姓編成一書之書也視世之通遠近括親疏以爲譜者雖若少遜比蘇氏爲親之作則已詳矣又無五季淆亂之譏烏可以簡質少之哉書已脫藁僉以未卽入梓爲恨余曰有是哉古人不獲於仕進爲時兩爲豐年猶能退而施於宗族如義學義莊之類是已吾雖不及古人乎今於是役敢以綿力辭乃用活字印出未及扁分矣族人之中有一二悖倫之徒模謄真本私自僞刊冒錄虛單頭居鄰邑箕處八路豈不寒心痛迫哉凡譜於斯者盍相與勉勵益篤歸根之誠勿替刊葵之義使風俗厚朝廷尊如程張二夫子之說也耶不遵古訓間間瘡戮如不白黑眞僞無的以是爲小跋付錄于篇末以爲後承徵艾之戒云

崇禎紀元後四甲寅端陽訥齋公十一世孫載緯敬書

密陽朴氏糾正公八世孫訥齋公派譜卷之上

一世

朴鉉

高驪中業文科司
憲糾正三品致仕
享年八十七
配未詳○子文有
按舊譜密城君之
後有諱光禮由文
階顯而於糾正公
或考或祖未能詳
知故不敢首錄云
東萊鄭氏譜諱惟
孝以詹事鄭弼女
婿入錄而子諱興
孫諱鉉戰之又許
涵譜以諱光禮惟
孝興三世書于糾
正公上云以此觀
之則糾正公以上
三世似或明白而
其在慎重之道不
敢載錄自糾正公
為始

二世

子文有

擢第拜典理佐郎
歷慶州判官三品
致仕享年九十五
墓配未詳
三子思敬思仁思
敏二女張台柱朴
仲美
慶州譜云夫人李
氏女朴仲美似或
無疑而其在慎重
之道不敢載祿姑
俟後之博考者

三世

子思敬

典法判書兼上將
軍推誠翊威功臣
享年九十三墓高
陽南
孝陵西院堂里豆
應村癸坐有床石
辛酉刻今稱朴齋
宮
配貞敬夫人全州
李氏父守善○墓
全州○子忱

四世

子忱

元至正壬午生
大明建文己卯卒享
年五十八典儀判
事以開國功原從
勳 贈戶曹典書
墓長湍舊縣南廉
陵里
配貞敬夫人密城
朴氏父典法判書
儒祖寶文閣大提
學允文曾祖判典
校寺事原外祖僉
議贊成事始寧君
章敬公文化柳墩
至正癸未生
洪武辛酉卒享年三
十九墓全州府北
門外十五里窠只
里鳳棲山前有鳳
栖寺
三子祇生剛生訥
生女金淑溫

五世

子祇生

杆城兵馬使
配興陽李氏父贊
成事叙原
子希孟
字柔之號蘿山耕
叟
洪武己酉生恭讓朝
庚午文科集賢殿
副提學
永樂庚子出守安邊
壬寅六月十八日
卒于官享年五十
四後以女莊懿宮
主貴
贈贊成墓上將軍
公兆下癸坐有遺
書子審問撰墓表
立石
配貞敬夫人坡平
尹氏父衛尉尹承

六世

子希孟

直長
二子允恭叅奉允
溫无后
左領護軍
配陽川許氏父情
子宗孫司勇二女
吳重老柳孝源
子切問
下二
子審問
號清齋文科正郎
贈吏判墓高陽葡
萄谷牛坐
配清州韓氏父副
使承舜
七子元忠文判官
元恭司直元懿司
直元正進士元良